

## Derivas 5 - an Klass Keswlasek

Dydh da dyworth Porthkellys po yw henna Skol Halwynn po yw henna Pluw Wendron a hedhyw po an hen bluw? Wel dell wrussyn ni dyski orth an Ionch, Sen Uni a dreylyas Arlodh Karnbre yn kristyon dre leverel bos Karn Bre tri bann mes unn vre kepar dell yw an Tas ha Mab ha Spryrys Sans unn Duw. Wosa henna, ev a veu mertherys orth Mertheruni yn rann dhyghow an bluw. Ynwedh an gwir mayth esa Hellys y'n hen bluw Wendron bys dhe 1851 a styr bos Gwendron moy avel gwlasor – Karnbre dhe Boll an Logh.

Mes arta y'n diwotti, Tavern an Steren, yn Porthkellys, yth esa klass Kernewek keswlasek. Gans studhyoryon ow tos dyworth Itali hag Almayn dre Gembra ha nebes dyworth Hellys! Martesen yth o nebes koynt dyski a-dro dhe liwyow yn gwynn ha du mes...



nebes a'n notennow koth klass keswlasek

... er bynn hemma yma baneryow a'n hwegh bro Geltek – perfydh avel asnodh dyski – gwelewgh an skeusen y'n diwettha derivas



Klass keswlasek synsys yn Tavern an Steren

Ytho Porthkellys yw lemmyn kresen a studhyans keswlasek. An dyskansow a bes yn Skol Halwynn mes y'n nessa derivas y fynnav vy mos a-dro dhe'n Wlasor Wendron ow hwilas Kernewek istorek hag arnowydh.

Oll an gwella,

Pol Hodge